




儼塾先生文集

七

和16  
1.184  
7



詩

儼

孰

集

卷之七

16  
1184

儼塾集卷之七 詩

慶賀三


寬文九年巳酉十一月朔觀朔日冬至節會

玉塔拜表近臣勤冬至佳辰仙仗羣和氣擁不香細  
細暖光添線樹欣欣金門呈瑞六花雪南殿含  
章五彩雲仁智德華克上下祇今百姓仰周文

巳酉十二月五夜聞恒例御神樂

鳴鑾遠響九重天庭火燎燎金殿前今夕笙歌  
新月下神人和樂太平年

寬文十年正月十六夜觀踏歌節會



大雅樂聲見盛周。九重通夜勉公侯。  
天顏有喜臨南殿。明月一輪輝玉樓。

甲子仲春詣江都上野先聖殿觀釋奠

今曉初觀先聖殿。杏壇春雪更清鮮。  
笙簧鼓樂融和至。黍稷粢盛芳潔連。  
三聖明明如在上。六賢翼翼似臨前。  
慇懃拜手兩楹下。且喜儒風吾國傳。

拜舜水朱先生祠堂並序

甲子歲臘月舜水朱文恭先生祠堂落成。我  
水戶公饗祀盡禮。微臣拜謁廟前。虔申敬意。  
先師如在兩楹前。清酌嘉蔬俎豆連。  
拜手鞠躬唯謹。

爾八音高奏。屈玄天。

賀福住如松先生奉仕高松源英公丙寅春

聞君近被大人知。靈物逢陽豈止池。  
天隔參商雖異境。地連魯衛本同枝。  
久經世路皆因命。共浴恩波復有時。  
浪速江邊梅可秀。便風相待寄新詩。

丁卯春奉賀相公六十英算源義公也

懸弧令節喜無疆。君子萬年歌詠長。  
南極茂衍花甲算。壽椿增照紫霞觴。

春有仁德戊辰早春 陪公燕作

韶景初開寰宇清。東皇恩澤物皆亨。  
池邊冰泮綠蘋

男子之生日  
云然孤令  
且  
春色謂之  
韶光

轉澗道雪消芳草生日暖羣花隨處色風和百鳥得時聲無端林野熙熙至藜庶自然歌太平

春雪逾常

多半春雪糝江隈未見平原數尺堆庭際紛紛飛絮下林間落落撒鹽來綠梢將偃園中竹芳葉纔勻窻外梅正賀天工降上瑞蘇辭自是獲饒倍

遊鵜飼金平家詠櫻花伸祝意得喜字

新栽櫻樹竹垣裏疊玉枝枝聚景美金衣公子忽發聲與花併作一團喜

賀霜臺眞田君遇赦還江府二首

其一

播陽埃命衷心恭鏡裏日驚衰替容萬事傷情辛酉歲一朝伸志戊辰冬分飛鴻鴈回相集友哺烏兒太復逢否極泰來天運爾憂虞消盡見歡踪

其二

謫居風物更凄寒逢鬢可憐嘗險難周易頻繙多慮斷曾論細讀一心安江山今日揚眉對樓月多年帶淚看孝感神明終錫類聊呈巴律賀團圓

賀講習堂再成寄松永永三子此堂昌易先生所造

懿哉堂再成復古道書生時習先人學日新往聖經

欽定四庫全書

萱同 萱後  
ワスレヤ

棘開山嶽見雲盡斗星明。從是傳悠久。萬邦流德聲。  
中山道軒翁。萱堂白心君。今年歲登八旬。諸賢  
題松色春久。賦詩歌賀之。余亦呈詩  
崢嶸晚翠接蒼天。丹頂來巢歲八千。南極照枝添淑  
景。霞觴對酌萬斯年。

孟秋四日從ラ相公駕詣瑞龍見祭祀聊賦野

製仰伸孝德元祿二年 巳巳歲

維レ公謁瑞阜盛服慎レ夏天志厚何煩暑孝純レ將徹  
泉畏敬虎丘下潔誠馬鬣前盈壇陳祭具薰樹上香  
烟憫世禱無病愛民求有年生靈蒙介福州土仰明

賢微臣時拜首聊頌德巍然多

賀森田侗空叟八十算二首

致仕迢迢踰十年體如松栢面如蓮釣絲棋局平生  
樂到處攜樽陸地仙  
寄吟蘭菊自頤神縱望江山能養身東海遙思南海  
上壽星燦燦映靈椿

庚午春賀拾遺大友君知命

惠風開壽域雅宴占韶光盃上紫霞簇壺中白日長  
桃蟠呈瑞異椿古恆禎祥君子逢知命頌聲滿四方  
賀近藤登助庄兒

罷罷  
昆昆

嶽神入夢感熊罷昆玉温容丹桂枝香子多年仁有  
蓄乃翁今日喜無涯

賀茂羽傳四生兒同賦種子仝高松

栽培功遂綠苗生質是棟梁知晚成他日仙禽縻好  
爵夏期來此聽風聲

賀拾遺大友君新居同賦新居賞有得椽字

癸酉秋

大廈新成輪奐為賀來喜見鏡光圓。盃浮兔影長生  
藥筆占桂香文雅筵清味細吟三五夜賞心苦約百  
斯年竹陰如畫移欄上爽籟時鳴碧玉椽

賀近藤語石翁九十算甲戌春

春酒勸君酌紫霞壽星揚耀照窗紗人間九十為難  
得嬰鍊超倫老大爺

賀法眼余語古菴八十算乙亥春

三元春屬化工妙素八袞齡因仁術功鍊藥閑遊仙室  
下看棋坐隱世塵中

奉賀相公四十算今龍作公也

恭賀四旬勸壽觴千秋令節見嘉祥階前玉樹乾坤  
翻圓菓蟠桃日月長

賀中村伯行萱堂八十誕節

嬰鍊超倫  
老大爺

晚  
悦  
耀  
恐  
輝

八表誕辰懸悅來謳歌詩頌兩相催  
蟠桃仰祝三千歲壽酒頻斟數十盃  
審發揚耀呈瑞在華堂起煖挽  
春回盛筵看得兒孫孝五綵斑衣學老萊

牡丹宮主惠詩賀余生男孫次韻奉謝

小春回暖日衰樹忽生枝  
雖我兒稚小入君詩麗奇  
一得高賓顧幾開慈母眉  
誠堪戲家室遂當不屈池

賀近藤清六文七表

七旬壯健逞天機方眼秀看世所稀  
誕日正逢菊時節黃金色與壽星輝

丁丑元日奉賀驢菴先生獻屠蕪於幕府

絳囊三角裏靈方持獻公朝致百祥  
仰見和風回暖氣醫林從是日昌昌

奉塵世子詠松契遐年高韻

喬松仙所寓騰茂碧霄中  
永願霑恩露作苓在下風

西山公賜評語曰是醫家詩不指名蓋可知矣

應公命賀村嶋丈生兒同賦竹生兒孫

綠竹萋萋千畝園南風吹滿長兒孫  
貓頭真備虎頭相雄壯宜蒙雨露恩

藤田後凋子致仕稱柳軒呈詩述懷  
癸未冬

鵬翼倦飛收海東垂天雲盡復無風  
白茅龍伯大人



舉安得扶搖翥碧空

賀好青館主七十

武江城北地靈境御藥園中天德人夜寐夙興研究  
久陰功陽報自然臻兒孫進業昇平日朋友成羣嘉  
瑞辰勿謂古來稀所有此公矍鑠耐救民

奉賀相公五十算。憲永二年乙酉

知命今晨降百祥大家新見好風光松含靈液階前  
淨菊點金丹籬下黃禮教盡心文郁郁頌聲盈耳美  
洋洋仁恩餘澤覃東海黎庶齊與萬壽觴

遊賞四

早春遊金龍寺 巳酉歲

千觀芳跡託櫻樹又感能因春夕詞山路餘寒花未

發一聲黃鳥自催詩能因法師金龍寺歌也未底羅

波伊里阿比乃加祢  
仁波奈曾知利計流

次韻如松先生雨後上比叡山

雨歇日晴登叡山倚筇吟步解羸顏台峯四萬丈佳

境移在琵琶湖水間

春遊 二首 庚戌歲

橋邊四顧景光温處處山櫻雪片翻跨馬行遊還不

惡我無青眼其金樽

伊當作由  
字當作不

春風簾幙四山奇。恰見長安衆富兒。一曲高歌何處  
是。雲邊紅白正崔嵬。

避暑北野林間

吟步清風下。鳴蟬多古枝。滿林梅樹影。不必在花時。  
避暑亂森

吟行濯熱鴨川流。樹樹蟬聲似報秋。綉幙翻風浮世  
客。一般涼味汝知不。

遊北野林間

雷雨曉收郊野清。白雲飛處發吟行。林中自見新秋  
色。松奏清商客意驚。

遊聖護院森

生煙漠漠出前路。落日沉沉照後山。自倚吟筇登斷  
岸。長松樹下鳥飛還。

春日遊東山

一望真勝絕。春光滿四山。洛城輝日下。北嶽聳雲間。  
黃鳥鳴綠樹。白櫻半破顏。輕風松樹下。倚徙愛清閑。

遊東福寺題通天橋楓

通天橋畔數株楓。霜露染成千樣紅。幾箇詩人題錦  
繡。倚欄正識賞心同。

遊黑谷

蕭然山色冷野意更難模窈窕林間舍崎嶇巖下途  
古碑名字在空谷詠歌無過客傾樽處長吟日欲暝

晚過西岡

賞秋吟步歷西岡金氣冷冷暮色涼仰面貪看新月  
影不知白露濕衣裳

秋日遊北野

北野四時好秋來最靜閑祠前松鬱鬱林下鳥關關  
黃葉落無盡白雲去復還回頭瑞籬外翠黛落西山

遊高槻城西野寺

西郊煙景好長嘯上陂塘遲日入懷煖微風滿袂涼

曉  
恐  
曉

山雲陰曉曉田水落湯湯稀問藥師寺村溪梅獨香  
遊永井君四條坊門林亭

江亭蒸氣薄一段好風烟園樹皆新綠徑花更麗娟  
近看千里藪遠望萬重巔又有空山趣林頭聽杜鵑

千里藪即洛外長藪也

春日游清水寺戲作

風回樓閣異香薰滿日櫻花掣彩雲欲見人間春色  
美上清仙子降成羣

遊仁和寺觀花

輦寺櫻開過客驚春山一様白雲橫由來仙室非凡

世卽是崑岡踏玉行

新秋泛舟於淺草川し丑歲

風撲碧流揚素波。邀涼避暑及輕柯。平生修更用心  
盡佳景。惟詩竟奈何。

遊後樂園和禪僧韻

乘興杳然入後園。峰回路轉錯來源。此師攜我遊雲  
外。自覺仙風道骨存。

王子村路傍吟

路傍猶見傲霜楓。猩血淹成一樣紅。詩興動來歸不  
得。荒村斜日認西東。

孟冬遊香積寺

香積清閑地。風煙賁茂林。岸楓開爛錦。籬菊點黃金。  
景色催詩思。泉聲叶澗音。孟冬雖暑短。和暖得春心。

遊東叡山西北林亭用板垣宗愔和歌韻寄進

藤兄

沙明水綠草蕭蕭。寺後林亭望轉遙。翠黛參天山一  
髮。琅玕連野竹千梢。倉庚何處鳴幽樹。杜宇此時叫  
壽膏。酌酒詠歌多景裡。又思他日伴同僚。

在林亭和中村伯行韻

晚涼雲物合。氣霽綠池深。吟斷幽叢裡。一洗萬古心。

春日尋櫻卽事

春徧武陽城。吟遊問白櫻。林間敷雪坐。郊外與雲行。  
平野看歸鴈。幽叢聽嘯鶯。對花頻酌酒。何處暮鐘聲。

遊真間弘法寺

真間佳境舊山形。寂寞間庭楓樹青。黃鳥無心鳴竹  
裏。山僧聽作法華經。

山行

寂寞山中鹿不驚。扶疎樹杪鳥無聲。問祠尋寺兩三  
輩。踰險經丘數十程。寒起朔方透肌骨。雪堆樵路動  
詩情。虛淵沉影取途急。喜見嶺頭揚月明。

遊中山備州刺史林亭

庚午歲

千村萬落目前看。景暖風和春色闌。欲寫煙霞無一  
字。回頭終日倚欄干。

夏日遊太古山清音寺

二首

浮嵐曉冷夏山晴。翠樹連邊杜宇鳴。隔谷已知蕭寺  
近。泉音自入耳根清。

門掃纖埃太古風。綠陰泉石雨餘濃。倭僧唐客心相  
契。支遁許詢談亦同。

雪朝東行

寒月西殘東已暝。竹輿涉雪歷郊村。千山敷絮化工

喧喧誤

遊目作泛

芭芭誤

力。百里印沙行客痕。巖畔松枝擎玉蓋。溪間麥葉出銀盆。頻恣興味耽佳絕。欲獻吾君慣負喧。

季夏遊淺草川 三首乙亥歲

為避暑塵倚水涯。輒浮小艇棹清漪。出洲忽見波濤濶。想像芭洋向若時。

一葦沿流又繫汀。暮風颯颯木泠泠。勿言良夜無明月。幾箇樓船送火星。

淺草清流水似天。朦朧悉是管絃船。真知歌吹海中樂。舉杯屬客醉陶然。

孟秋之夕遊不忍池賞荷花

園香自香風悅可人。萬莖紅白一時新。鑑湖景物前程備。想見風流賀季真。

若一王子祠前卽事 王子是熊野神也

王子祠前風日晴。綠圍粉壁與朱甍。飛龍湧拜思那智。古殿寂寥欽證誠。萬朶樹陰絕塵累。千絲藤蔓繫詩情。求閑川上凝吟處。修竹叢中野鳥啼。

遊王子村得綠字

已隨北郊遊。風煙盡盈矚。處處踏殘紅。行行入新綠。登高屢回頭。臨流頻濯足。閑僧偶同來。詩興正離俗。

臨流泛觴 二首

洵拜水勢

啼鳴誤

湍駛興奇哉。流觴泛泛來。若才齊七步。須酒盡三盃。

又

興奇山北秋。岩下巨盃流。騷客思振筆。高僧想代舟。

遊三朶花叟觀水園得意字

觀水幽邃地。數畝美景備。環池消俗氛。衡門占野意。  
稻梁肥垂穎。松竹茂交翠。鷄冠紅未全。鴨脚黃將至。  
鳴鶴翔江臯。吟鸞藏薜荔。文客曹劉徒。詩僧休已類。  
盃酒醉賓朋。茗飲呼童稚。乘興立徘徊。橫榻對徒倚。  
主翁學少陵。語高韻難次。鯁生奈拙何。一時欲附驥。  
羨文不加點。欲效迺顛躓。苦吟坐晚涼。鐘聲淨業寺。

蟻恐蟻誤

飽得半日閑。此樂亦正值。寄言諸大家。再會何日嗣。

泛那珂河舟中呈進藤和州刺史

是日暑塵殫。那珂蕭颯寒。水蒼敬河伯。雲白憶秋官。  
行見景千樣。誰知清一般。寄言藤刺史。隨處極佳觀。  
松倉卽事和安積子先韻

松倉勝景畫屏分。巖路回頭屢對君。恰似金龍寺門

境白雲想像故鄉雲

泛仙波湖荷花遮舟並序

丁丑孟秋九日。泛舟仙波東。進入荷花之中。萬莖稠密。無由迴棹。雖暫乘興。甚苦難漉。已而陵花間。

及晚登東岸聊賦小詩

秋湖澄朗浸青空。菡萏玲瓏雜白紅。隔葉難求前路處。遮花無奈小舟中。出泥卓爾思周子。迷澤茫然惱晉公。夜與篙師并力進。斜陽初到柳堤東。  
晉公晉文公故事

十月初八過伊藤玄蕃亭偶懷

城南佳景備。豈用別遊登。風靜小春候。雲收陽月微。岸楓花不若。霜菊氣猶陵。碩果還擎玉。俊知天地恒。

偶興五

雨後即事 戊申歲

雨晴江水更如練。雲盡山峰總是青。黃雀爭枝低岸

竹白鷗分浪戲沙汀

春雨即興呈建仁寺燭師

錦官城裏雨澆紅。坐到心清興味濃。翠柳眠時春寂寂。黃鸝鳴處綠葱蔥。

春雨二首

洛城連夜雨冥冥。黃鳥誰家語曉庭。昨日園中花未發。今朝一朵吐餘馨。

雨聲蕭瑟轉清幽。嫩蕊濃花當小樓。風引如絲纔有色。不妨行樂促春游。

初月



風冷夜清秋自悲。一鈎新月忽驚奇。露花暗滿垂檐外。思見故園松桂枝。

春日野望

陂塘春色滿。牽輿過前流。青柳偏東面。黃鸝轉岸頭。日暄村樹近。泉淺野芳幽。此處風光足。不須催遠遊。

雨後即事

宿雨晴來林下清。雲飛山色不分明。吟筇緩步臨前路。綠竹垂邊燕子輕。

雨後野望

郊雲新霽後。城上冷如金。東望酣酣嶺。西眺武庫岑。

田流溶澱澱。夏木鬱陰陰。不得陶韋手。倚筇空苦吟。

楓下偶懷

幾樹紅楓照巖蹊。清霜添得自淒淒。還思攜酒遊山路。山寒無田促馬蹄。

春夜遊林久汰家

時講小學書

床頭春景度。秉燭對花嬰。湛水鮮新滿。芳枝皎潔橫。談經思古道。酌酒遠塵情。通夜共無倦。主賓只敬誠。

感春

出門回首亂山青。無數野禽羣。冰江知是無情占。春意梢花次第發餘馨。

冬夜和牡丹窩主卽興韻 丁卯歲

孟冬煖似春。殘菊示芳辰。景美酒詩促。夜闌燈火親。  
妙姿連岳湛。佳句歷黃陳。既醉望君子。唯看文質彬。  
春夜和井上玄桐韻

挑燈花下寄詩情。不覺山鐘報四更。半醉半醒君與  
我。薰風相對待天明。

鍊齋卽興 鍊齋鴉飼金本之號

耳閑追晚景。徐步扣幽扉。竹徑風鳴玉。茂陰翠濕衣。  
花殘春未謝。苔滑雨猶微。坐聽鶯頻轉。仰看鳥倦飛。  
西林樹曖曖。前路煙霏霏。寺促衆僧誦。家迎遊客歸。

舉盃酌詩友。檻外望相依。

和山崎成羽涵雲亭卽事

涵雲望轉遙。野景素所好。清閑愛境幽。勝絕驚天造。  
衡宇舞陶陶。蓬窻歌浩浩。吟哦出世塵。何論接籬倒。

江戶邸中和安積子先惠卽興詩 二首

湛池開一鏡。涵影最鮮明。岩下看浮鴨。林間聞轉鶯。  
又

密密依山樹。葱葱出水芽。日長深院靜。與蝶對開花。  
卒和子先韻

剪剪涼風紋碧波。晚來一雨霎然過。態如舞女堦前

四離  
暮  
所載

柳拳似小兒池面荷浴皂歸鴉隨處集鳴蛙飛燕滿  
庭多看暮自覺遊仙境又讀新詩奈興何

月前納涼

樹下水邊纔有風豈如坐了玉蟾宮暑塵盡處塵勞  
盡襟宇超然萬事空

過圭齋即席次韻伯行戲作圭齋進藤和州之號

雨霽雲收畱過客夜深興熟惱詩人三瓶菊下情遺

世雙鶴盃中樂似春時杯中畫雙鶴

閑適六

秋夜對燈戊申歲

書窗岑寂適閑情照破塵昏對短檠忽聽西南風撼  
樹因思歐九賦秋聲

暇日與友人開詩宴分古詩為題賦山家探得有

家雲間淡句探韻得竹字

白雲浴曳潤茅屋天籟奏來絲與竹無有一榮又無  
憂忘機終日友麋鹿

茅檐偶成

綠樹陰陰雨後芳幽齋支枕愛微涼酌杯自覺二阮  
意超出人間名利鄉

夜雨

瑟瑟書齋雨。境閑心轉清。林知梅葉綻。窻聽葉聲過。  
幽火照青眼。澹雲掩素娥。城西羣鴈叫。鄉信竟如何。  
鐘得眼字

獨對青燈繙汗簡。鐘聲暗度思無限。心胷洒洒脫塵  
凡。立扣寒冰煎蟹眼。

端午呈伊藤維貞子

今日洛陽端午節。立開樽酒醺靈苗。陰陰門巷無人  
到。獨倚書窗愛寂寥。

補夢記句二首並序

昨夜夢舊友狩野直信來。示余以幽居之詩咏之。

益覺高奇。寤後遺忘焉。唯第四句不失之。於是補

前句云

出門何處避塵寰。箇裏風光如住山。可喜更無朝市  
累。幽居竹石伴清閑。  
風食水宿歷多艱。春至不看桃李顏。獨坐繙書煎蟹  
眼。幽居竹石伴清閑。

除夜

掃除舊染迂新年。但有梅花與水仙。不識倉皇浮世  
事。紅爐相倚養靈淵。

冬夜偶興次友人韻

半窻疎箔惱佳眠。坐對孤燈淨几前。何處萃鯨聲寂寂。月頭殘月曉夏天。

冬夜卽事

朔風凜烈打欄干。顧笑凍龜不耐寒。北樹但聞聲浙浙。南樓未見影團團。舊詩一卷思幽興。燈燭三枝卜夜闌。獨養天君無外事。恰如至日閉門關。

雨夜閑適

蕭然暮雨閉柴門。點滴聲中催酒樽。青史讀時無獨夜。紅爐燒處有微溫。十年燈下欲求道。數日窻前未窺園。客子明朝如著屐。早梅花發是何村。

烈烈訖

攜友人遊淨誓寺寺在高楓城東北  
來遊過淨誓。好在石泉間。螭蟬吟綠樹。翡翠蹴微瀾。竹陰忘長夏。風殿覺涼寒。丁然基子響。恰似在仙觀。

燈

南窻蕭然夜。孤燈影自清。無友獨憑几。忽有懷古情。誰人常繼晷。穿壁對月明。又聞學不倦。囊中螢火盛。磨礩窮文理。自然咀華英。我今欲求道。何方盡研精。旅館愛雨境。十年長短繁。詩書幾經眼。晤晤寄我生。外緣總消卻。秋來嘆樹聲。耿耿眠不得。因詩寫真成。

德榮山卽事 丙子春

咀

梅萼飄零桃破顏。蕭然梵宇晚來閑。忽聞玄理六窓  
淨。更使遊人離世間。

題山居

泉聲樹色自天真。髣髴羲農已上人。麟跡剽顛都不  
問。鳥啼花落度青春。

次韻江林寺仙洲和尚過西山

西山佳絕境。人謂是三丘。林秀風光異。地靈雲氣浮。  
適閑聞爽籟。得趣對清流。禪客題詩去。調高意最優。

山家秋興得郭字○丁丑秋陪

真趣莫美於丘壑。就中秋景適至樂。黃葉滿地少人

來。憑几一嘯習南郭。

草庵秋雨得歸字陪

膚寸雲興遠翠微。無端涼氣滿柴扉。定知過客有新  
詠。雨助清閑不許歸。

山家雨陪西山

梅子已黃新竹翠。日日空濛奈雨意。此時何處最耽  
閑。山居別是一天地。

夏友得賢字陪

新梢交翠小窗前。燕子呢喃堪起眠。無客不妨送長  
晷。古書數卷友羣賢。

小居

山家賞秋

得白字陪  
西山宴

寥廓山中遠塵迹。天假烟景吉祥宅。疊嶂遙來新鴻  
鴈。飛雲輕過老松栢。感興如同潘岳詞。登遊亦擬謝  
公屐。三秋何物勝他時。溪風彌清月彌白。

山家會友

陪西山

泉聲樹色遠塵緣。雲斷霞開洞裏天。涼簟留賓餐沈  
澹。閑中一日若千年。

西山即興

彩霞繞屋綠圍山。巖畔鹿眠心自閒。且喜涼風堪遣  
悶。快然爽氣更忘還。

儼塾集卷七終

沆瀣（氣）

